

April 1621.

67.

De hael vande

**Arme Feyten / vanden**

Seer-Excellenten ende kloecken Veldt. Heer

**AMRBOSIVS**

**SPINOLA,**

Hertoghe van S. SEVERIN, Prince van Saravalla,  
Marquis van Sexto ende Benafro, Ridder van het  
Gulden Vlies, Capiteyn Generael van het Keyser-  
lijck Krijghs-volek inde Pfaltz byden Rhijn, &c.

Erst Gedruickt den 29. April 1621.



**T'handwerpen / By Abraham Verhoeven / op de  
Lombaerde veste / inde gulde Sonne.**



Verhael vande Vrome Feyten  
 Vanden seer Excellenten ende Kloeckē Veltheer  
**AMBROSIUS SPINOLA,**  
 Hertoghe van S. Severin, Prince van Saravalla,  
 Marquis van Sexto ende Benafro, Ridder van  
 het Gulden Vlies; Cappiteyn Generael vā  
 het Keyferlijck Krijghs-volck inden  
 Pfaltz by den Rhijn, &c.

**A**mbrosius Spinola is ghebozen tot Genua.  
 Zijn Vader is geweest Philippus, de Seer-  
 Edelen Marquis van Benafro; ende zijn  
 Moeder Polyxena Grimalda, Dochter van Ni-  
 colaus Prince van Salerno. Hy heeft gehadt eenē  
 Broeder gheuaemt Fredericus Spinola, de welke  
 onder den Grooten Alexander Farnesius, Hertog-  
 ghe van Parma ende Piacenza/ inden Oorloghe  
 teghens de Françoisen is Capiteyn geweest. De  
 selve heeft naederhant van Philippo III. Coninck  
 van Spagnien, Admirael vande Galleyen ghe-  
 maect

3

maeckt zijnde / int het iaer 1600. midden dooz de  
Hollandsche Armade / dooz de woeste Zee wt Spa-  
gnien, inde Nederlanden ghezeylt. Ende indien  
hy niet alleen met den vbandt / maer ooc met he-  
woedende Element / dat hier geen Gallen ver-  
draghen en can / tusschen Flanderen ende Zeelant  
kloeckelijck ende dapperlijck is vechtende / is hy  
doock selve / splaes! vele vanden vbandt verflaghen  
zijnde / van een grof gheschut in't Jaer 1603. den  
26. Martij doot ghebleven. De droefheyt van hee  
Verlies van Fredericus heeft coets daer nae ver-  
mindert de aencompste van zijnen Broeder Am-  
brosius, met een machrigh Krijghs-volck / in dese  
Nederlanden. Wiens vnsondere kloeckheyt / dap-  
per ghemoet / subtielen gheest / hoochste kloecmoe-  
dighent inde perijculen te begeenen / ende wissen  
taet inde selve te verduien / onbeswijckelijcke  
sozghoudighent inden Krijghs-handel / en won-  
derbaere neerstighent in alle dinghen / ghebleken  
hebben inde Belegheringhe van Ostende. Dese  
Stadt hadden de Hollanders met vele ende groo-  
te Katten ende Bol-wercken (men soude gheseyt  
hebben / met soo vele Eylanden) omcinghelt ende  
beschant. Ende de selve Stadt defendeerde niet  
alleen Mars, maer oock Neptunus, ende de Wilde  
Zee / die dooz de doozghesteken Dijken ingelaten  
(??) is was

was/strede vooꝝ de belegherde/ ende hielde de onse  
 daer van. Dese Belegheringhe tot in het 3. Jaer  
 gheduerc hebbende/ als de Stadt niet en coste be-  
 sloren oft omcingelt worden/ ende om dese redene  
 wille naer aller menschen iugement onwinnelijck  
 waere/ heeft desen Ambrosius de Wapen genomē;  
 ende de Stadt ondergraven hebbende/ ende den  
 vbandt verjaeght zijnde / Ostende in wennigh  
 Maenden/ in't Jaer 1604. den 22. September  
 verobert ende inghenomen.

In't naestvolghende iaer / als de Hollanders/  
 dooꝝ belept van Mauritius van Nassouven, den  
 Dijk in't Lant van Waes meynen dooꝝ te ste-  
 ken/ ende Antwerpen te belegheren/ heeft hy inde  
 tijdt van 3. daeghen een Brugge ouer de Schelde  
 ghelept/ om zijnen Leger te bequamer herwaerts  
 ende derwaerts ouer te brengen. Het welckē wij-  
 sen ende verstandighen raedt heeft hy niet alleen  
 Brabant/ dat den vbandt nu meynde te hebben/  
 maer oock Vlaenderen van alle dese vreesse verloft/  
 ende den vbandt vande selue eerst vele verlaeghen  
 hebbende/ doen zijn schepen ende Volck te rugghe  
 keeren. Daer nae Scipionem Africanum naerghe-  
 volcht hebbende/ ghelijck de selue in Africam, soo  
 heeft hy zijnen gheheelen Legher naer Oriendt  
 ende inde Provincien ouer den Rhijn ghevoert;  
 ende

5

ende den vbandt afghekeert hebbende / den selven  
in zijn eyghen Landt gheslagen ende verwonnen.  
Dit berunghe Oldenseel, Lingen, Wachtendonc,  
Crackouvv, Lochem, Grol, Rhijnberck, en noch  
andere steden ende plaetsen / die dooz de nature en  
dooz conste seer sterck ende wel bewaert zijn / de  
welcke hy in het selfde iaer / in presentie vanden  
vbandt / ende den selven te vergheefs grimmende /  
ghewonnen / ende tot overgevinghe gedwonghen  
heeft. Wat noch meer? Als onsen Leger dooz liste  
vanden vbandt ende dooz mutinatie van de Sol-  
daten verstroyt was / hebben de Hollanders de  
Stadt Grol, die versch overgegeuen was / en met  
Amonitie noch niet versien en was / belegert.

Wat doet Spinola? Hy slyt haesten Raet / ende  
vergadert zijn Crijsch-volck / ende de selue anime-  
rende / voertse dooz reghen ende dooz wint met eenen  
kloecken moet reghen den vbandt. Ende siet /  
Mauritius seer verbaert sijnde / heeft met de sijnen  
den rugghe ghekeert / ende den Legher verlaetende /  
schandelijck de vlucht ghenomen. Het welcke een  
eeuwighe schande is.

Gheduerende den Bestandt, als de Vereenighde  
Staeten eerst in't heymelijck / ende naederhandt  
openbaerlijck meer hielden met den Brandenbor-  
gher als met den Nieuvenborgher, en des Nieu-

menborghers Soldaten wt Gulick verjaeght had-  
 den/ende Dusseldorp, (alwaer doen de Hups vrou-  
 we vanden Nieuvenborgher was) te vergheefs  
 aenghetast hadden / ende den Accord van Wesel,  
 daer van beyder sijden vanden Vrede ghetraecteert  
 was/te niet ghedaen hadden/ende noch meer ande-  
 re seditieuse saecken/naer hunnen Aert ende manie-  
 re te werck stelden/ heeft Spinola, vanden Keyser  
 Matthias ende zijnen Broeder Albertus, Doorlu-  
 chtighsten Prince vande Nederlanden/ Opperste  
 Veldt-Heer ghemaect zijnde/in't Jaer 1614. om  
 den ghemeen Vrede te houden staen/eer als men  
 wel meynde/ Crijsch-volck aenghenomen. Daer-  
 omme/dooz bevel vanden Keyser de Stadt Aken,  
 d'welck een Rijckstadt is/ voozt eerste aenghetast  
 hebende / heeft deselve binnen weynich uert tot  
 Obedientie ghebrocht: ende terstondts oock Wesel,  
 dat een oude sentine oft grondt-soppz vande Cal-  
 vinisten/ ende hicks het tweede Geneue was/ met  
 noch andere stedekens a. v. den Rhijn/ met grooter  
 haestigheyt ende voozspoer bedwonghen ende inge-  
 nomen.

Daeromme heeft Philippus den Derden/ Catho-  
 lijcken Coninck van Spaignien, desen kloecken  
 Heldt/die hem vande Christelijke Republicke seer  
 wel verdient heeft / voozt eerste in den Orden van  
 het

het Gulden Vlies aenghenomen/ende naeder hant/  
niet sonder reden oft oorsaecke onder de Heeren van  
Spaignien, diemen ghemepnelijck **GRANDES**  
noempt/opgheschreuen.

Ick sal comen tot t'ghene dat costelijck in het  
Pfaltz-Landt gheschiedt is. De Rebellen van Bo-  
hemen/teghen recht ende Wetten Ferdinandum  
III. van Oostenrijck gheabandonneert hebbende/  
hadden Frederijck Cheur-Vorst en pfaltz-Graue  
by den Kijnt tot de Croon ghekosen. Met den  
Pfaltz-Graeve hielden't Mauritius Landt-Graue  
van Hessen, Iohan Frederijck Hertogh van Wir-  
tembergh, Ioachim Ernst Marquis van Anspach,  
George Frederijck Marquis van Durlach, ende  
noch andere Vorsten Protestanten vande Euan-  
gelische Vnie, soo sijse noemden/ Item/ noch ontrent  
twaelf Kijck-steden waeromme soo deden den Ca-  
tholijcken Coninck Philippus, ende Albertus  
Prince vande Nederlanden/eenen grooten Leger  
in dese Nederlanden vergaderen/om (daerentus-  
schen dat Frederick te vergheefs binnen praghe  
meynde zijn Kijck te bevestighen) in den Paltz te  
vallen/en de macht vande vanden te niet te doel.

Deseu Legher is Spinola met volle macht be-  
volen ende opghedraghen; ende hy is in't Jaer  
1620. in t'wtgaen vande Maendt Augustus inde  
Paltz

Paltz gheballen/ende binnen wepnighe maenden  
 Creutzenach, Oppenheim, Bacherach, Simme-  
 ren, Trarbach, Diesbodenberg, Spanheim, ende  
 andere meer als achtenvijftich stedekens / eens-  
 deels aen den Rhijn, eensdeels aende Mosel, met  
 wepnigh verlies vande zinnen / ghewonnen ende  
 ingenomen. Ende hy soude nu tot Worms, alwaer  
 de gheconfedereerde Dorsten haer Woon-plaetse  
 hielden/ghetomen hebben/ende siet / den Anspa-  
 cher en Wirtemberger, vreesende meerder quaet/  
 zijn van hunnent ende hunner gheconfedereerden  
 wegghen tot Mentz ghetomen/ende in t jaer 1621.  
 den 12. April hun onder de ghehoorsaemheyt van  
 den Keyser begeben.

Als Spinola wederom in t Nederlandt quam/  
 heeft hem den Doorluchtighsten Ertz-Hertoghe  
 Albertus Oppersten Hoof-meester oft Maior Do-  
 mo Maior ghemaect/welcke Digniteit in onsen  
 ende in den Spaenschen Hove de Hooghste is.

Van ghelijcken heeft oock Paulus V. Paus van  
 Roomen zinnen tweeden Sone Augustinum d'ne  
 maenden te vozen Cardinael vande Heylige Roõ-  
 sche Kerck ghemaect. Noch andere vrome septe  
 sal ons den toecomenden tijt verclaeren.

**F I R I S.**

**D. C. D. W. A.**

Met Gratie ende Priuilegie.